

faul Fleisch darinn. Weiter öffnet es vnd kület die Leber / das Milz / löscher den Durst / vnd kräftiget das Hertz. Der Saft heilet alle böse Blattern / im Mund gehalten / die Stüeln in dem Mund / mit Aslantwasser vermendet.

Encklauch Wasser ist gut getruncken in der Pestilenz.

Haselwurzel.

Wilde Spica /

Wilder Nardus /

Wild Negelwurz.

Haselwurz ist gleich der Gundelreb / vnd hat ein Blum zwischen den Blättern nahe bey den Wurzeln / die hat einen guten Geruch / vnd ist heisser Natur vnd seine Tugend ist an der wurzel / vnd nicht am Kraut / noch Samen / nimpt hin alles Wehe



innerhalb des Leibs / macht warm / die innerliche Glieder die erkaltet seind / davon getruncken. Ist auch gut also genützet / den Frauen zu ihrer Kranckheit / sie bringets / vnd macht die Frauen wol Sarnen / löst auff Verstopfung der Leber vnd Milzes / ist auch gut mit Hirschzung vnd Senet in Wein gesotzen / wider das Sieber quartanam. Purgiret auch den Leib inwendig sanffriglich
Gemi.

Von allerhand Arzney/

gemischer mit Käßwasser vnd Honigwasser.

Zaselwurz 1. Loth in neuen Most/ der erst von der Kelter kompt / gelegr / zwen Monat lange / darnach herauß gesehen / des Abends vnd Morgens darvon getruncken / ist gut den Wassersüchtigen / nimpt auch hin/ also genügt/ das quartan. Macher wol Harnen/ stärcket die Blasen vnd Lenden / purgiert schier alles/ wie weiß Nieswurz.

Zaselwurz Wasser.

Die zeit zu Distillieren Wurzeln vnd Kraut / oder sonst zu dözen / vnd zu behalten / ist von dem fünffzehenden Augustmonats bis auff den achten Herbstmonats / zwischen den zweyen vnser Frauen Tagen. Das Wasser löschet alle Sitz in allen Gliedern / darauff gelegt mit Tüchern / vnd alle Abend vnd Morgen auff drey Loth getruncken / ist gut für allerhand Seber.

Aber die schwangern Frauen hüten sich / daß sie es nicht trincken / denn das ohn ihren vnd des Kinds Schaden nicht geschehen mag.

Boberellen.

Judenkirschen / Schlutten / Roth Nachtschatt /
Roth Steinbrech.

Die Tugend ist an der Frucht / vnd nicht am Kraut / roth wie ein Kirsch / trucken vnd kalt im andern Grad. Boberellen gessen drey oder vier vngefährlich / so man schlaffen will gehen / dienet fürs Podagram / vnd treibet viel böser Feuchtigkheit durch den Harn hinweg / macht wol Harnen / zerbricht den Stein in der Blasen vnd Lenden / reiniget Nieren vnd Leber. Vnd den Saft darvon getruncken zertheilet geronnen Blut im Leib.